



Arkivnr: 2017/17901-17

Saksbehandlar: Roald Breistein

Saksframlegg**Saksgang**

Utval	Saknr.	Møtedato
Kontrollutvalet		

Oppfølging forvaltningsrevisjon innan transportberedskap på fylkesvegnettetBakgrunn for saka:**Fylkestinget gjorde slikt vedtak i sak PS 80/2018 i møte 03.10.2018:**

«På bakgrunn av forvaltningsrevisjon innan beredskap på vegnettet ber fylkestinget fylkesrådmannen syta for:

1. Å sikre tilstrekkeleg detaljert planlegging av transportberedskapen, som synleggjer korleis transporten skal gjennomførast i praksis dersom ei hending utløyer det ekstraordinære beredskapsbehovet, og oppdatert oversikt over beredskapsaktørar.
2. Å utarbeide skriftlege rutinar knytt til oppfølging av beredskapsplanar/-arbeid.
3. At revisionen av Transportberedskap Hordaland 2010 blir ferdigstilt, behandla og følgt opp, samt sikrar at dokumentet blir evaluert og oppdatert jamleg.
4. Å skriftleggjere praksisen som er etablert for handtering av avvik og endringar i skuleskysstilbodet som følge av hendingar på vegnettet
5. Å sikre at beredskapsplanar knytt til transportberedskap blir gjort kjent for alle tilsette desse er relevante for, og sørger for at alle tilsette som er involvert i arbeid med transportberedskap deltek i naudsynte øvingar og mottek opplæring knytt til eigen rolle.
6. Å ta initiativ til meir samarbeid med kommunane i Hordaland og andre fylkeskommunar om planlegging og utføring av transportberedskap.
7. Å gjennomføre årlege kontaktmøte med aktørar som kan ha ei særskilt rolle innan den sivile transportberedskapen.
8. Å laga ein prioritert handlingsplan til kontrollutvalet innan 01.02.2019 som viser kva tiltak som skal setjast i verk for å følgja opp tilrådingane i rapporten, når tiltaka skal setjast i verk og kven som skal ha ansvaret for iverksettinga.»

Handlingsplan i tråd med punkt 8 over vart handsama i kontrollutvalet i møte 11.02.2019 der det vart gjort slikt vedtak:

1. Kontrollutvalet merka seg at det for om lag halvparten av punkta går fram at fylkesrådmannen meiner at oppfølginga best kan løysast gjennom det arbeidet som er knytt til nytt kriseplanverk for den nye fylkeskommunen. Dette arbeidet skal vera ferdig innan utgangen av 2019. For dei andre punkta går det fram av tilbakemeldinga at forbetringssarbeidet vil vera ferdig gjennomført i løpet av første halvår 2019.
2. Kontrollutvalet ber om at tilbakemeldinga også omfattar kva som vert gjort på kort sikt.
3. Kontrollutvalet ber om ny status på arbeidet i form av skriftleg tilbakemelding innan 21.05.2019. Tilbakemeldinga må også innehalde korleis forbetringspunkta, som er tenkt skal inngå som ein del av arbeidet med utvikling av nytt kriseplanverk i fylkessamanslåinga, så langt er handtert.

Drøfting:

Sekretariatet har motteke notat dagsett 15.05.2019 frå fylkesrådmannen med status for oppfølging av forvaltningsrevisjon innan transportberedskap på vegnettet. Av notatet går det m.a. fram at det berre er punkt 5 som er kvittert ut som gjennomført. Dei andre punkta meiner fylkesrådmannen det vil vera føremålstenleg å sjå i ein større samanheng i samband med fylkessamanslåinga frå 01.01.2020.

Sekretariatet har stor forståing for dette synspunktet og antar at fylkesrådmannen likevel arbeider vidare med desse punkta som ein del av førebuinga til fylkessamanslåinga. Vi meiner det er viktig å få på plass gode rutinar når det gjeld transportberedskap på fylkesvegane også i den nye fylkeskommunen, som truleg har ansvar for transportberedskap på ein av Noregs mest krevjande fylkesvegnett. Det kan difor vera ein ide at fylkesrådmannen i Vestland fylkeskommune vert utfordra på å komme med tilbakemelding til kontrollutvalet i Vestland fylkeskommune innan 01.04.2020 på korleis forbetringspunkta er ivaretake i den nye fylkeskommunen.

Konklusjon:

På bakgrunn av at det som går fram over, vert det tilrådd at kontrollutvalet ber fylkesrådmannen i Hordaland fylkeskommune arbeide vidare med forbetringspunkta som ein del av arbeidet med førebuinga til fylkessamanslåinga frå 01.01.2020.

Vidare vert det tilrådd at kontrollutvalet anmoder fylkesrådmannen i Vestland fylkeskommune, om å komme med tilbakemelding til kontrollutvalet i Vestland fylkeskommune innan 01.04.2020, på korleis forbetringspunkta i rapport om transportberedskap på fylkesvegane i Hordaland fylkeskommune er ivaretake i den nye fylkeskommunen.

Forslag til vedtak

1. Kontrollutvalet ber fylkesrådmannen i Hordaland fylkeskommune arbeide vidare med forbetringspunkta etter forvaltningsrevisjon av transportberedskap på fylkesvegane, som ein del av arbeidet med førebuinga til fylkessamanslåinga frå 01.01.2020.
2. Kontrollutvalet anmoder fylkesrådmannen i Vestland fylkeskommune, om å komme med tilbakemelding til kontrollutvalet i Vestland fylkeskommune innan 01.04.2020, på korleis forbetringspunkta i rapport om transportberedskap på fylkesvegane i Hordaland fylkeskommune er ivaretake i den nye fylkeskommunen.

Hogne Haktorson
kontrollsjef

Roald Breistein
utvalgssekretær

Dokumentet er elektronisk godkjent og har derfor ikke underskrift.

Vedlegg

- 1 Status for oppfølgingspunkt etter forvaltningsrevisjon av beredskap på fylkesvegane
- 2 Førespurnad om fylkeskommunen sitt ansvar innan civil transportberedskap
- 3 Rutinar for handtering av avvik og endringar i skuleskysstilbodet som følgje av hendingar på vegnettet.